


吉49230


86411

京P=14



16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46

430
8546.2



金石文鈔

卷四目錄

江南涇縣趙紹祖琴士手輯

唐立明徵君碑 上元三年四月正書

唐修孔子廟詔表祭文碑 儀鳳二年七月

唐王徵君臨終口授銘 垂拱二年四月正書

唐澤王府主簿梁府君并夫人唐氏墓誌

銘 垂拱四年十一月正書

唐榮德縣丞梁君墓誌銘 萬歲通天二年三月正書

唐昇仙太子碑文 聖歷二年六月行草書

唐夏日遊石淙詩并序

久視元年五月正書

唐修紀公墓碑

長安二年七月八分書

唐比邱尼法琬碑

景龍三年五月正書

唐長安縣丞蕭府君墓誌銘

景雲二年二月正書

唐景龍觀鐘銘

景雲二年九月正書

唐立周公祠碑

開元二年十二月正書

唐大德法藏禪師塔銘

開元四年五月正書

唐宗聖觀主尹尊師碑

開元五年八分書


唐華岳精享昭應之碑

開元八年八分書

唐朝散大夫京苑摠監茹府君墓誌

開元十一年八月正書

右卷四凡十六碑男國楨拔字



金石文鈔 卷四

江南涇縣趙紹祖琴士手



唐立明徵君碑

攝山栖霞寺明徵君之碑 御製 朝議郎行

左金吾衛長史侍相王書臣高正臣奉勅書

朝散大夫守太子洗馬王知敬篆書

朕聞鍾山玉闕羽駕之所巡遊崑嶽金臺蜺衣

之所翔集雖復真宗宵眇神理希微猶居三界

之中未出九天之外唯有乘如廣運妙覺圓明

因無生以濟有生就無象而成大象道隔去來
之際筌繫靡得其端理忘動寂之機隨迎罕覩
其奧得其門者如髻寶之希逢臻其極者似曇
花之難遇南齊徵君明僧紹者平原人也仲雍
誕其綿綽并伯播其靈苗芳源肇於孟明因即
以明爲姓魯祖忱晉著作郎祖玩晉建威將軍
鳳經流譽雅韻隆於八儒豹略申威香名高於
七技父略宋平原太守中書侍郎朱明出撫揚
惠化而傍霑紫誥攸司罄忠規而奉上徵君早

植淨因宿苞種智悟真空於綺歲體法性於青
襟照與神通心將道合遺榮軒冕少無塵雜之
情託志林巖自叶幽貞之趣亭亭秀氣掩璧月
而架丹青皎皎清衿漱瓊湍而淩碧瀨即相非
相指萬象爲虛空無我無人等四流於寂滅加
以學窮儒肆該綜典墳論極元津精通老易至
若鹿野龍宮之秘猿江鶴樹之文莫不遽貫清
衷摠持丹府班荆坐樾獨神王於亭舉朗嘯長
吟乃情超於宇宙蒲輪每至攀桂之節逾高玉

金石文錄 卷四 二
帛屢陳枕石之誠，弼固遂乃緬懷飛遁，抗迹嶠山，託岫疏階，憑林結棟，紉蘭製芰，方輕藻火之衣，爽籟風松，自代管絃之響，橫經者四集，請益者千餘，高鳳愧以韜光，張超謝其成市，于時南風不競，東土構七人，厭豺狼之毒，家充蛇豕之餌，盜仍有道，望境歸仁，共結盟誓，之言不犯，微君之界，豈非至誠，攸感，木石開心者乎？及元歷告終，青光啓祚，齊高祖希風，佇德側席，傍求屢下，徵書確乎不拔，其後又移居鬱洲，揜榆山，栖

雲精含情，親魚鳥，志狎煙霞，蛻影樊籠，蕭然獨往，齊建元元年，又下詔徵爲散騎侍郎，又不就，既而濟岱淪肯，公私蕩覆，稽天之浸，將湮蹈海之居，燎原之火，欲燼藏山之璞，乃鴻騫鳳舉，騰萬仞以高翔，擇木選君，相九土而遙集，凌江迴憇，遂屆南京，負杖泉邱，遊睨林壑，歷觀勝境，行次攝山，神谷仙巖，特符心賞，於是披榛薙草，定跡深棲，樹榿疏池，有終焉之志，此山其狀如繖，故亦號曰繖山，丹穴紅泉，共星河而競，寫珠林

金石文錄 卷四 三
鏡巘與月桂而交暉鳥哢巖虛猿吟澗靜松門
杳藹去來千里之雲花榭丰茸含吐千枝之日
實息心之勝地乃宴坐之名區爰集法流於焉
講肆音容秀澈宇量端凝放論會竒興言入妙
若洪鍾之虛受有擊必揚似明鏡之忘疲無來
不應于時元儒兼闡道俗同歸俱號淨名以旌
至德先是山多猛噬人罕登臨昇巖有仙谷之
危越澗等憑河之險徵君心不忤物摠萬類以
敷仁故使物乃革心屏三毒而歸惠興風斂暴

遽承探鯁之恩游霧含辛自埒報珠之感于時
齊道方穆寤寐求賢永明元年又徵爲國子博
士徵君隱居求志義越於由光不降凝心跡高
於園綺鑿坏貞遁漱石忘歸鶴版載臨豹姿逾
遠俄有法師僧辯承風景慕翼徒振錫翻然戾
止法師業隆三藏道邁四依戒行堅明律軌嚴
淨欣然一遇叶契千齡子琴爲莫逆之交溫雪
豈容聲之友回即隣巖構宇別起梵居聳嶠飛
柯含風吐霧栖霞之寺由此創名福地裁基肇

金石文錄 卷四
發初心之誓法門落構遽鍾後說之辰安居頃
之辯師遷化六年頂拜雖開青石之壇千日威
光未建紫金之岳微君積緣登妙至感入微嘗
夢法身冠于魯巘後因乘毘屣步林亭乃有浮
磬吟空寫圓音於帷樹飛香散迥騰寶氣於爐
峯又覩真顏于巖之首神光駭矚若登靈鷲之
山妙力難思如遊瞿龍之邑豈止無垢佛國獨
蔭珠雲淨德王家方承珂雪是知不行而至冥
通應感之符爲法而來實昭光啓之福非夫慧

因宿植其孰與於此哉於是拜受嘉徵願言經
始將於巖僻造大尊儀乃眷爲山未遑初簣遽
而西州智士與曉岳而俱傾東國高人隨夜星
而共沒瓊瑤落彩峯岫沉暉永明二年奄遷舟
壑第二子臨沂公仲璋願慕曾巒既崩心於岵
望徘徊曩構更泣血於楹書遂琢彼翠屏爰開
菜座捨茲碧題式建花宮上憲優填之區仰縷
能仁之像披美何充之宅遽興崇德之闡逖彼
蕭宗大宏釋典文惠太子及竟陵王或澄少海

金石文錄 卷四 五
之源派朝宗於法海或茂本枝之穎發萌栢於
禪枝咸捨淨財光隆慧業時有沙門法度爲智
殿之棟梁即此舊基更興新製又造尊像十有
餘龕及梁運載興銳心迴向大林精舍並事莊
嚴臨川王載剖竹符宣化惟揚之境言尋奈苑
興想拔茅之義以天監一十五載造無量壽像
一區帶地連光合高五丈滿月之瑞湛珠鏡以
出雲崖聚日之輝昇壁輪而皎烟路叅差四注
周以鳥翅之房迢遰千尋飾以魚鱗之瓦擊鳴

乾於爽籟則步影齊歸麗亭午於高曦則息心
攸萃逾錦城而特建掩銀界而孤標良由積慧
所符大士著甚深之業用能遙誠克果永代增
希有之緣以曠劫之隆因開含生之至福偉哉
壯觀無得而稱朕肅纂禎圖丕承寶歷澄九溟
而有截晏八表而無爲紫塞丹岑接封畿於上
苑白門青野款琛贄於仙闈將使率土蒼生鎮
昇仁壽之域普天黔首永蹈淳古之源崇慶越
於兩儀景運踰於萬劫屬以冕旒多暇物色傍

求瞻江海而載懷詠林泉而興想欽風味道恨
不同時古往今來撫運化而雖寂德崇業著眷
神闕一字攝山志而猶存寤寐遺塵有兼前列
瞻言聖軌歎佇唯深今故於彼度人常滿七七
各兼衣鉢錢二百貫絹二百匹蘇叁拾斛繡像
織成像新舊翻譯一切經一藏并幡華等物憑
幽尋之曩跡光顯德門託嘉遁之名區追崇仁
里就福宇而延福即祥基以締祥興緣金囿之
庭近叶珠囊之耀所願通因法岸契果禪林九

鼎與元極同安七廟與紫微齊固揔三千之淨
土並沐薰歌罄百億之恒沙長爲壽算鐵圍之
所苞括玉燭之所照臨常殮六氣之和俱藻一
音之聽夫象以盡意意非象而不申言以會情
情非言而不暢是以發揮二諦宏演四依迴託
蓮花之峯遙刻芝英之字庶海乘頻變孤超弁
岳之碑城芥屢空獨跨稽岑之篆式陳茂實乃
作銘云

悠悠法界揔揔含生輪迴欲海起滅身城俱安

金石文錄 卷四 七
大夜共習無明愛塵岳聚毒樹雲平其一邈矣遍

欲超然獨悟遽乘五演高披六度大空善說中

天巧論引彼迷途歸之覺路其二猗歟淨行育彩

昆田遠承珪組代著忠賢或支宿習種智斯圓

棟梁三寶薰脩四禪其三爰始筮賓薜蘿攸整蹈

海沉跡棲巖滅影天地構七干戈互警北林冈

庇南轅載騁其四翻飛澤國歷考山圖言瞻碧磴

自韞元珠憑峯架室枕壑通衢鯉庭廣跨馬帳

宏敷其五同氣相求善林遙託道符久敬心均常

樂對闢金園竝疏銀閣谷停帝馬巒歸梵鶴其六

空分瑞塔地積香臺闕二字攝山霄映珠雲旦

來千光霧起七淨霞開闕二字攝山飛錫澗下

乘杯其七桂嶽叅差松亭隱藹石壇照錦瑤泉瀉

籟岫接香鑪峯承寶蓋翔鳧演法毒龍銷告其八

梵宮既啓福海長深噬虺忘穴飛鴉革音羣生

普戴奕祀同欽不有高節寧符宿心其九御展多

閑聞風逸想茂軌遐劭清暉遽往佇契業於圓

明異崇緣於方廣縷飛篆於曾岳齊勝基於穹

八明徵君碑

壤其

上元三年歲在景子四月戊戌朔廿五日壬戌

建

唐高宗優寵明崇儼因爲其祖立碑而碑後乃不敘入崇儼何耶碑今存上元栖霞寺近日陳毅古愚作攝山志收此文於碑銘而所誤者不可枚舉蓋古愚雖上元人實未嘗親見此碑但據舊志錄之耳壬子十一月趙紹祖識

唐修孔子廟詔表祭文碑

大唐武德九年十二月廿九日下太宗文武聖皇帝詔曰宣尼以大聖之德天縱多能王道藉以裁成人倫資其教義故孟軻稱生人以來一人而已自漢氏馭歷魏室分區爰及晉朝暨于隨代咸相崇尚用存享祀朕欽若前王憲章故實親師宗聖是所庶幾存亡繼絕抑惟通典可立孔子後爲褒聖侯以隨故紹聖侯孔嗣哲嫡子德倫爲嗣主者施行

皇帝以乾封元年正月廿四日下詔曰朕聞德契機神盛烈光於後代化成天地元功被於庶物魯大司寇宣尼父孔丘資大聖之材屬衰周之末思欲屈已濟俗宏道佐時應聘周流莫能見用想乘桴以永歎因獲麟而興感於是垂素王之雅則正魯史之繁文播鴻業於一時昭景化於千祀朕嗣膺寶歷祇奉睿圖憲章前王規矩先聖崇至公於海內行大道於天下遂得八表乂安兩儀交泰功成化洽禮盛樂和展采東

巡迴輿西土塗經茲境撫事興懷駐蹕荒區願爲師友瞻望幽墓思承格言雖宴寢荒蕪餘基尙在靈廟虛寂徽烈猶存孟軻曰自生人以來未有若孔子者也微禹之歎旣深褒崇之道宜峻可追贈太師庶年代雖遠式範令圖景業惟新儀刑茂實其廟宇制度卑陋宜更加修造仍令三品一人以少牢致祭褒聖侯德倫旣承肩緒有異常流其子孫並宜免賦役主者施行

兖州孔廟碑

此五字疑後人所刊

金石文錄 卷四 表碑二
右皇太子宏表稱臣聞周師東邁裔問延降軾
之榮漠蹕西旋夷門致抱關之想况泣麟曾躅
歌鳳遙芬被縟禮於昌辰飾殊榮於窮壤者伏
惟皇帝陛下資靈繞撫稟粹登樞乃聖乃神體
陰陽而不宰無爲無事均雨露之莫和六符薦
而泰階平百寶臻而天祚永靈臺所以復伯延
閭山其增絢尙齒尊賢邁鴻名於萬古興亡繼
絕騰峻軌於千齡大矣哉茂實英聲固無得而
稱矣日者封金岱畎會玉梁陰路指沂川塗經

闕里迴鑿駐午式監堯禹之姿闕續凝旒載想
溫良之德於是特紆宸渙贈以太師爰命重臣
申其奠醑廟堂卑陋重遣修營袞聖侯德倫子
孫咸蠲賦役臣恩均扈從迹濫撫軍舊烈遺塵
躬陪瞻眺雩壇相圍欣覲前聞又昔歲承恩齒
胄膠塾歷觀軒屏貝到門徒想仁孝於顏曾彌
深景慕採風猷於竹帛冀啟顓蒙所以輕敢陳
聞庶加袞贈天慈下濟無隔異時咸登師保式
光泉夜敢以前恩重茲干請竊謂宣尼之廟重

闡規摹桂奠蘭羞永傳終古崇班峻禮式賁幽
誕而翠琰莫題言猷靡暢詢諸故實有所未周
且將聖自天惟幾應物拯人倫於已墜甄禮樂
於既傾祖述勲華三千勵其鑽仰憲章文武億
兆遵其藏用豈可使汾川遺碣獨擅於無慙峴
岫餘文孤標於墮淚伏見前件孔廟營構畢功
峻業曾徽事資刊勒敢希鴻澤合樹一碑徂遠
海清夷九無徵發山東豐稔時踰恒歲况鄒魯
舊邦儒教所起刊勒之費未足爲多許其子來

不日便就乞特矜照遂此愚誠臣識昧恒規言
懇通理塵黷聽覽追增悚戰

勅旨依請

維乾封元年歲次景寅二月戊戌朔二日己亥
皇帝遣司稼正卿扶餘隆以少牢之奠致祭先
聖孔宣父之靈惟神玉鉤陳貺靈開四肘之源
金醑流禎慶傳三命之範神資越誕授山岳以
騰英天縱攸高蘊河海而標狀折衷六藝宣創
九流睿乃生知靈非外獎於是考三古褒一言

刊典謨定風什莊敬之容畢脩鍾鼓之音載和
父子爰親君臣以穆蕩乎煥乎樂正雅頌各得
其所可不謂至聖矣夫賸以寡德嗣應神器式
崇祗配展義云亭感周禮之尚存悲素王之獨
往杼軸洙泗如挹清瀾留連舞雩似開金奏昌
門曳練徒有生薑之疑漢曲移舟非復祥萍之
實慨然不已爰贈太師堂宇卑陋仍命修造褒
聖子孫合門勿事庶能不遺百代助損益之可
知永鑑千年同比肩而爲友聿陳菲奠用旌無

朽梅曙霞梁松春月牖德音暢而無斲形神忽
其將闕一字儻弗沫於生前亦知榮於身後尙饗


儀鳳二年七月訖功


明昌二年七月一日暴風折木壓其碑仆於
地龜趺分爲二碑與字俱無害豈陰有所相
而然耶九月一日復命工易以此座云提控
修廟朝請大夫開州刺史高德裔記此記行書

右武德九年太宗詔一通乾封元年高宗
詔一通皇太子表一通乾封元年祭文一

通共一碑皆八分書而後記儀鳳訖功年
月碑蓋立于儀鳳而追書之者也碑云武
德九年十二月廿九日下太宗文武聖皇
帝詔者太宗於武德九年八月受禪而詔
卽下於是年十二月故未改元而上蒙高
祖之年也趙子函石墨鐫華以爲高祖之
詔誤矣六朝以來碑字固多別體而此碑
書雨露之雨爲兩朕爲賸不應至此或有
誤也又表中有貝到門徒之語亦未知其

所云乾隆丙午正月一日琴士趙紹祖識
於金陵客舍





唐王元宗口授銘

大唐中岳隱居太和先生琅耶王徵君臨終口授銘 并序 季弟正議大夫行秘書少監東宮侍讀兼侍書紹宗甄錄并書

伊垂拱二歲孟夏四日 况 卯寅卯之際吾六兄同人見疾大漸惟幾將遷冥于未始委化於伊洛之間 倚居惠和里之官舍自古有死於乎哀哉他日先諾其第七弟紹宗曰吾宅性元鄉保和仁里寄居羣有遊心太無乘陽以生遇闕一

金石錄卷四 授銘一
而滅物之恒也汝固知之化後汝可依道家無
爲之事諸子姪行儒教喪紀之迹吾聞精神者
天之有也形骸者地之有也觸處而安不須擇
日單車時服不俟營爲紹宗敬奉緒言不敢失
墜此時沛國桓先生道彥亦在吾兄之側回獻
歆而報曰此真率之理道流所尚有情有信安
敢違之其後昇真潘先生門徒同族名大通越
中岳而來自遠問疾知吾兄真命已畢又申勸
曰儻或不諱願歸神中頂石室之中曩者昇真

臨終亦令宅彼况與先師平生居止宿昔神交
冥期不沫宜還洞府再三敦請則又從之此吾
迹也重違爾然不須別鑿堂宇恐傷土石但託
體山阿而已吾嘗幽贊真誥肇創元圖秘錄別
傳內本人境不傳如或不忘款志儻存其地可
取一塊青石其上有自然平者刊刻爲字俾諸
來裔知吾之用心也其銘文皆力疾綿微勉情
辜課含精寓爽藉響乘光仿佛曖昧不獲已而
口授之外姻密友憑真考行強號曰太和先生

庶追道跡光衆妙也其銘曰
於戲昔有唐氏作吾中遇而生姓王名元宗字
承真本琅耶臨沂人晉丞相文獻公十代孫陳
亡過江先居馮翊中徙江都其肇錫考系則國
史家諫具矣降年五十有五直垂拱二年四月
順大街之數奄忽而終終後可歸我于中頂舊
居之石室斯亦墓而不墳神無不在耳且伊洛
之間迺昔者周南之域吾祖上賓之地吾家得
姓之鄉反葬中岳幾不忘本也舉手長謝亦復

何言示人有終乃爲銘曰

馮馮太清悠悠太寧混沌無我其中有精忽然
爲人吾何以停歸于真宅此室冥冥不封不樹
絕待忘情道無不在神無不經幽傳秘訣默往
仙京万物共盡時哉乃形理通寂感陰聚陽并
知常得姓無狀無名闕一體嵩石言追洛笙去
來千洞駢馳八靈風雲聚散山水虛盈谷神不
死我本長生

王元宗自謂宅性元鄉而令其子姪行儒

教喪紀之迹其所令反其所好殆有不敢
自信者歟此以其弟紹宗書錄之然紹宗
嘗言虞世南被中畫腹與余正同蓋自負
其書之工同於伯施也今觀其跡結體雖
方整而規模不免狹隘是稍能具體蘭臺
而遜其險勁者烏足與伯施抗衡哉癸丑
二月十五日趙紹祖識

唐梁寺墓誌銘

大唐故朝議郎行澤王府主簿上柱國梁府君
并夫人唐氏墓誌銘并序

君諱寺字師暎雍州藍田人也不承帝緒自雍
墟而逮夏陽克勤王家由安定而宅京兆其如
葛氏昆季列於三方有類林家昭穆光乎十德
至若衣冠禮樂之盛烈廉孝賢良之儀表固以
寫奕當代昭彰季業者乎曾祖遵周秦州清水
縣令遽賒相用勞逸兼資重泉之磬載昌單父

金石錄卷四
之琴斯洽祖殊隋監門錄事叅軍德以潤身學
以從政入七由其式序五校於是克隆父柱皇
朝奉義郎騎都尉識量夷雅風神耿介青田表
秀丹穴摛祥進而不榮安乎散列退而不野隣
乎湫隘君承積善之餘社挺生人之上姿因心
而好孔墨抗跡而齊魯閔縱王佐之竒表揚于
王庭屈公輔之宏量薄遊公府咸亨四年授文
林郎隨班例也日者東風爽佚西攘不庭三軍
乏坐甲之資七萃興懸磬之歎君散陶凝慮指

困推誠躬親餽餼之勞式周儲峙之務恕已及
物下布人謠憂國忘家上紆帝念永隆二年恩
詔授上柱國道光西漢已極武功之尊名冠南
荆竟保昭陽之貴既而上僊興慕下代纏哀梁
山降白鶴之祥畢陌啓青烏之兆君悲深孝逝
義切子來茂績顯於園塋豐功徹乎旒辰垂拱
元年授朝議郎行澤王府主簿以枚馬之英規
偶閒平之上邠芳風扇乎蘭坂茂躅隆乎桂山
東閣由是帑聲西園以之藉甚豈期攝生謬理

金石錄卷四
與善失常西山何高未接仙童之羽南溟尚遠
翻墜化鵬之翼以垂拱四年十月五日終於長
安懷德里第春秋卅有一夫人晉昌唐氏名惠
兒後魏驍騎將軍本郡守契之七葉孫故即司
農寺常樂監敏之第二女也巫山降祉巽位摛
精挺琬琰以茂姿懷冰霰以清慮慕組織絳之
務早擅女工幽閑婉嫕之規夙彰婦德恭謙娣
妯宗族所以推先肅事舅姑閨門由其作訓將
以鶴驂並驚常接影於仙樓不意龍劍常分竟

連形於寶匣以垂拱四年九月廿七日終於長
壽里第春秋卅有六粵以其年十一月十七日
合葬于終南山柳梓谷口隋信行禪師林側陪
大父錄事參軍之舊塋申夙志也惟君噐周大
雅德脩中和敏殫衆藝好兼靈迹牟子博之異
錄動息會其情虞孝敬之奇記俯仰闕二術黃
金積釜鎮寫真容白玉成田併開精舍夫人亦
凝心貝葉屬思曇花幼彰龍女之闕一長契勝
塲之德婉茲嘉偶咸借慶於一乘倬彼好仇並

歸神於八正其子景先等以為形資業起業立
 則形存化以緣生緣亡則化息履霜增感豈若
 奉於遺音聞雷警慕固可託於真侶式崇寶構
 虔孝勝曰寄篆刻於幽埏庶飛芳於奪里其詞
 曰

有秦支子

闕一字

國于梁帝堯景胄必復其唐易

代載德繼軌傳芳雅符秦晉信叶潘楊其於惟一

君子夙承家慶顯允夫人早標門令笙簧其德

黼藻其性問望備隆容工兼盛其由業立果

乃因成共資有相並證無生八正凝想七覺馳

情德踰善德名蓋淨名

其積善方

闕一字

輔仁無

淮始驚炭折俄看薪盡悲哉則豹騎連翔痛矣

則螭軒接軻門庭子簫索墟落

闕一字

悽緊其哀

哀鞠子戚戚遺孤共詳勝地式奉先墓構魯臺

於翠阜刻貞石於黃墟山山

闕二字

塔往往子真


徒其

四品孫義陽朱賓撰文 五品孫榮陽鄭莊書

碑中間叙述運糧及園塋之勲大約與梁

師亮同知當時濫賞所及蓋不止一人矣
碑後題名殊可疑此未敢以意為說也壬

子九月趙琴士識



唐梁師亮墓誌

大周故瑯州榮德縣丞梁君墓誌銘

君諱思亮字永徽安定烏氏人也若夫河汾潏
涘大啟濫觴之源幽雍林垆勃興拳石之址則
有武威太守軒冕赫奕於鄉亭并州刺史旌棨
駢闐於門巷大父殊隨任右監門錄事顯考金
柱唐奉義郎並行高州壤道茂王侯揚雄非璉
之書我家時習方朔易農之仕吾人所尚君珠
藪夜光玉田朝彩張仲孝友早為立身之具夫

金石錄卷四
子溫良持作揚名之本未嘗欺於閭室何謝古
人圃不負於虛舟自符先達棲遲禮讓擯落驕
奢弋釣邱墳耕耘道藝詞苞吐鳳傲三變而英
峙字抱迴鸞雄一臺而介立聲馳①下辯振雲
間後進欽其領袖時輩宗其瑚璉起家任唐朝
左春坊別教醫生握衣鶴禁函丈龍樓究農皇
之草經研葛洪之藥錄術兼元化可以滌疲疴
學該仲景因而昇上第屬龍庭②滿鹿塞塵驚
命將出師千金之費逾廣飛芻挽粟萬里之糧

宜繼君戶庭不出鞏甲匪疲遙同轉輸之勤遂
獲茂功之賞永隆二率以運糧勲蒙稭上柱國
既而欽明饜代宮車晏出守文承歷園陵繕修
紀市功成實憑子來之力穀林務畢仍覓發衷
之旨垂拱二率以乾陵當作功別勅放選釋褐
調補隱陵署丞解巾從宦智效聿宣結綬當官
幹能斯著秩滿俄而上延朝謹穰瓊州榮德縣
丞貳職十石贊務一同蠻陬乂寧平人是賴終
使悠悠墨綬方宏上艾之風泛泛銅章行闡中


牟之化隨牒云滿解印言歸吹盡餘災纏迫少
城之壘遊魂永逝崩摧武山之石以萬歲通而
元季七^④二^②終於益州蜀縣春秋卅有七鳴
呼哀哉即以萬歲通而二季三^④六^②葬於雍
州城南終南山至相寺榭梓谷信行禪師塔院
之東陪先塋也嗣子齊望嬰號越^④孺慕弭率
悲懷袖之靡依慨舟塋之潛運黃墟九壘始
字荒戀之情元夜三泉終藉鐫題之事乃爲銘
曰

東京后族北壘邦君七侯馳譽三主揚芬瑞掩
金朋榮繁寶罇覈諸隆盛曾何足云祖考餘慶
英髦間出嘯傲叅元乘凌喻^②温恭宅性廉白
成質譚思漆書儲精綠表鴻陸函漸龍門早昇
聲敷寢廟智效園陵而朝我黜縣道爲丞勳凝
邊檄化協黎蒸還塗未極生涯遽已瞑目他鄉
歸骸故里新封暫啟賓御燥而野雲愁舊壠長
肩松檟昏而山霧起碑闕兮交映陵谷兮潛徙
所悲螻蟻之埏銷淪而壘之紀

碑云屬龍庭月滿紫塞塵驚命將出師飛
芻挽粟君戶庭不出鞏甲匪疲遙同轉輸
之勤遂獲茂功之賞永隆二年以運糧勲
授上柱國似譏其濫功冒賞者按史無永
隆二年即開耀元年也正月突厥寇原慶
二州命裴行儉爲定襄道大總管以伐之
九月壬戌行儉俘突厥温傅可汗阿史那
伏念以獻乙丑改元此其事也師亮起家
一醫生耳戶庭不出而冒運糧勲至授上

柱國碑據實書之初不爲諱可謂古之遺
直而於屬文之體似少商量矣然即此亦
可見當時夤緣虛濫上下相蒙習以爲常
恬不知怪故其子孫亦不以爲嫌而遂用
之也王子七月琴士識





唐昇仙太子碑

昇仙太子碑 文并序

帝御製御書

大周而册金輪聖神皇

朕聞而壑權輿混元黃於元氣陰陽草昧徵造
 化於洪爐萬品於是資生三才以之肇建然則
 春榮秋落四時變寒暑之機玉兔金烏兩曜遞
 行藏之運是知乾坤至大不能無傾缺之形乙
 匪至明不能免盈虧之數豈若混成爲質先二
 儀以開元非道標名母萬物而爲稱惟悅惟惚

金石文錄 卷四 碑一
窈冥超言象之端無去無來寥廓出寰區之外
驟鸞馭鳳昇八景而戲仙庭駕區乘雲馭百靈
而朝上帝元都迴闕玉京爲不死之鄉紫府傍
開金闕乃長生之壑吸朝霞而飲甘露控白鹿
而化青龍魚腹神符已効嶽於涓子管中靈藥
方演術於封君從壺公而見玉堂召盧敖而赴
元闕炎皇少女剩往仙家員局先生來過吳市
或排煙而長往或御風而不旋旣化飯以成蜂
亦變枯而生菜費長房之縮壑日覽遐荒趙夢

子之賓而親聆廣樂懷中設饌標許彥之奇方
座上釣魚呈左慈之妙技遙昇閣道遠睇平衢
鼓琴瑟而駕輜輶出西關而遊北海登崑崙而
一息期汗漫於九垓湘東遺鳥跡之書濟北致
魚山之會拂虹旌於乙路飛羽蓋於煙郊旣入
無窮之門還遊無極之野青虬吐甲爰披五岳
之文丹鳳銜符式授三皇之訣瀨鄉九井漾德
水而澄滌淮南八仙著真圖而闡秘自非而姿
拔俗靈骨超凡豈能訪金籙於元門尋玉皇於

金不文金 卷四 碑二
碧落者矣昇仙太子者字子喬周靈王之太子也原夫補而益崇之崇基三分有二之洪業神宗啓胄先承履帝之祥壘孝興源幼表靈顛之相白魚標於瑞典赤雀降於禎苻屈叔譽於三窮錫師曠以四馬穀洛之闔家父申無壅之規而匡救之誠仙儲切犯顏之諫播聖子之懿範顯圖史之芳聲而靈應難窺冥徵罕測紫雲爲蓋見嘉貺於張陵白蜺成質遺神丹於崔子鳳笙流響恒居伊洛之間鶴駕騰鑣俄陟神仙之

路嵩高嶺上雖藉浮邱之迎緱氏峯前終待桓闕之告傍稽素篆仰叩元經時將玉帝之遊乍洽琳宮之宴仙冠岌岌表嘉稱於芙蓉右弼巍巍劾靈宮於桐栢九丹可挹仍標延壽之誠千載方傳尚紀仙庄之祀辭青宮而歸九府弃蒼震而慕重元無勞羽翼之功坐致雲霄之賞雖黃庭衆壘未接於末塵紫洞羣靈豈駭於後乘斯乃騰芳万古擅美千齡豈與夫松子陶公同季而語者也我因家先而慕業闢壘裁基而八

柱於乾綱紐四維於坤載山鳴鸞鷲爰彰受命
之祥洛出圖書式珽與王之運廓堤封於百億
聲教洽於無垠被岳朔於三千文軌同於有截
茫茫宇宙掩沙界以疏壇眇眇寰區籠鐵圍而
劃境坐明臺以崇嚴祀大禮攸陳謁清廟而展
因心洪規更闡政山西峙上聳於圓清賦井東
流下凝於方濁駢柯連理恒騁異於彤墀九穗
兩岐每呈祥於翠畝神芝吐秀宛成輪蓋之形
歷草抽英還司朔望之候山車洋馬充伋於郊

畿瑞表祥圖洋溢於中外乾坤交泰陰陽和而
風雨調遠肅邇安兵戈戢而燿烽靜西鷄東鯨
已告太平之符鄙黍江茅屢薦昇中之應而王
公卿士百辟羣僚咸詣闕以披誠請登封而告
禪敬陳嚴配之典用展禋宗之儀泥金而叶於
告成塵玉而騰於茂實千齡盛禮一旦咸申尔
乃鳳輦排虛既造雲霞之路龍旗拂迥方馳②
匝之肩後殿縈山先鋒薺野千乘萬騎鈞陳指
靈岳之前谷邃川停羽駕陟仙壇之所既而馳

情煙路係想元門途臨松窠之前近瞰桂巖之
下重巒絕磴空留落景之暉複廟連薨徒見浮
雲之影山扉半歛纔覩昔季之規礪牖全傾更
創今辰之製乃爲子晉重立廟焉仍改號爲昇
仙太子之廟方依福壑肇啓仙居開廟後之新
基獲藏中之故劔昆吾挺質巨闕標名白虹將
紫電爭鋒飛景共流○競彩去夜驚而除衆毒
輕萬戶而却三軍無勞望氣之至自遇象天之
寶巖巖石室紀黃老五千之文赫赫靈壇披碧

洞三元之籙爰於去歲當遣內史往祠雖在祇
有路隔之言而冥契著潛通之珥遂於此乙類
感殊禎迢遰雲間聞鳳笙之度響徘徊空裏瞻
鶴駕之來儀瑞氣氤氳異香芬馥顯承景貺日
擊休徵尔其近對緱岑遙隣嵩嶺變維城之往
廟建儲后之今祠窮工匠之奇精傍臨絕壑連
山川之體勢上冠雲霓其壑則測景名都交風
勝壤仰觀元緯○文當而室之邦俯眡黃輿壑
理處均霜之境膏腴宇宙通百越之樓船巨險

山原控八方之車騎危峯切漢德水橫川實而下之樞機極域中之壯觀於是捫危鑿趾越壑裁基命般爾而開筵召公輸而綴思梅梁瞰迥近架烟霞桂棟臨虛上連○區窻明雲母將曙景而同暉戶挂琉璃共晴而而合色曲閣乘九霄之表重檐架八景之中馮休水於而池發祥花於竒樹珠闕據縵峯之外瑤壇接嵩嶠之隈素女乘雲窺步檐而不逮青童駕羽仰層檻而何階茂躅鬱孳若生靈儀肅兮如在昔峴山墮

淚猶見鉅平之碑襄水沉波尚有當陽之碣况乎上賓而帝搖山之風樂不歸下接浮邱洛浦之笙歌斯遠豈可使芳猷懿躅與歲月而推遷霞宇○壇共風煙而歇滅迺刊碑勒頌用紀德音庶億載而維新齊兩儀而配久方佇乘龍使者爲降還齡之苻駕羽仙在曲垂駐壽之藥使璇璣叶度玉燭調時百穀喜於豐季珽庶安於泰俗虔敷短製乃作銘云

邈矣元始悠哉渾成傍該万類仰契三精至神

不測大象難名出入太素驅馳上清其黃庭仙

室丹闕靈臺銀宮雪合玉樹花開夕極雲路朝

挹霞杯霓旌髣髴羽駕徘徊其樹基創業遷朝

立市四險而中三川壑紀白魚呈貺丹烏薦祉

靈骨仙才芳猷不已三其遐瞻帝係仰瞻仙儲遙

馳匝域高步烟墟名超紫府下二字草書作祓邁疑誤或是神運

玉虛飄飄芝蓋容與雲車四其遠集崑崙遙期汗

湯金漿玉液霧宮霞館瑤草扶疎珠林璀璨萬

劫非久二儀何算五其栖心大道託跡長生三山

可陟九轉方成鳧飛鳥影鳳引歌聲永昇金闕

恒遊玉京六其青童素女浮邱赤松位稱桐栢冠

号芙蓉尋真御辯控鶴乘龍高排雲霧輕舉遐

蹤七其歲往季移而長壑久霄漢為室煙霞作友

舞鶴飛蓋歌鸞送酒絕迹氛埃芳名不朽八其粵

我大周上膺元命補而立極重光累堊嘉瑞屢

臻殊祥疊映歸功蒼昊昇中表政九其爰因展禮

途接靈居季載超忽庭宇凋疎更安珠敦重開

玉虛方依翠壁敬勒丹書十其新基建趾古劒騰

三昇仙太子

文鳳笙飛韻鶴駕凌雲休苻雜沓嘉瑞氤氲仙
儀靡見逸響空聞其十仰壘思元求真懷昔霞

軒匝敦○宮霧驛萬載須臾千齡朝夕紀盛德

於芳翰勒鴻名於貞石其十一

壘歷二季歲次已亥六匝申申朔十九乙壬寅

建

右昇仙太子碑武后御製御書其事不足

復汙齒頰然其文頗暢行草亦佳不可棄

也碑文有云開廟後之新基得藏中之古

劔按陳子昂冥冥君墳記云皇帝因登緱

山望少室尋古靈迹得王子晉之遺墟在

永水之層曲欲開石室營壽宮庀徒方興

得古藏焉內有甕瓦長二丈二尺濶八尺

中有古劔一銅碗一瓦器二又有古五銖

錢朱漆片及棖撥之應手灰滅即具物脩

容還定舊壙哀其銘志磨滅姓位不顯乃

錫之名曰冥冥君云觀子昂之記則碑所

云即其事也然不即以爲子晉之墳而錫

之冥冥君之号可見武氏雖溺情不返而猶有其慎之思焉余壬子歲於金陵市上見一碑體製甚異最中一行爲控鶴監張昌宗上下左右列諸臣名勢若拱衛正書精緻疑爲此碑碑陰時倉卒不能細看又囊中無錢不得買之及再往則已失之矣返而懊惱竟日姑記於此以俟知者乙卯十月趙琴士識

唐夏日遊石淙詩并序

若夫圓嶠方壺涉滄波而靡際金臺玉闕陟元圃而無階唯聞山海之經空覽神仙之記爰有石淙者即平樂澗也尔其近接嵩嶺俯屈其峯瞻少室兮若蓮睇潁川兮如帶旣而躡崎嶇之山徑蔭叢密之藤蘿洶湧洪湍落虛潭而送響高仞翠壁列幽澗而開筵密菜舒帷屏梅氛而蕩燠疎松引吹清麦候以含涼就林藪而王心神對煙霞而滌塵累森沉邱壑即是桃源淼湯

平流還浮竹箭網薜荔而成帳聳蓮石而如樓
洞口全開溜千率之芳髓山膏半坼吐十里之
香粳無煩崐閩之遊自然形勝之所當使在題
綵翰各寫瓊篇庶無滯於幽樞與不孤於泉石
各題四韻成賦七言

七言 聖製

三山十洞光元籙玉嶠金巒鎮紫微均露均霜
標勝壤交風交雨列皇畿方似高巖蔽色干
尋幽澗浴雲衣且駐歡筵賞仁智瑤案薄晚雜

塵飛

七言侍遊應制 皇太子思顯上

三陽本自標靈紀二室由來獨擅名霞衣霞錦
千般狀雲峯雲岫百重生水炫珠光遇泉客巖
懸石鏡厭山精永願乾坤苻睿算長居膝下屬
歡情

七言侍遊應制

太子左奉裕率兼檢校安
比大都護相王思旦上一

奇峯噫嶙其山比秀嶸昭嶢嵩鎮南塋首壘肺
何曾擬而目而台倍覺慙樹影蒙籠鄣疊岫波

聲洶湧落懸潭闕一願紫宸居得闕一永欣丹

宸御闕二字

七言侍遊應制太子賓客上柱國梁王忠三思上

此地巖壑數千重吾爾駕鶴闕一乘龍掩暎菜

光含翡翠參差石影帶芙蓉白乙將移衝疊巘

元雲欲度礙高峯對酒鳴琴追野趣時聞清吹

入長松

七言侍遊應制內史忠狄仁傑上

宸暉降望金輿轉仙路崢嶸碧洞幽羽仗遙迎

鸞鶴駕帷宮直坐鳳麟洲飛泉灑液恒疑雨密
樹含涼鎮似秋老忠預陪元圃宴餘率方共赤
松遊

七言侍遊應制奉宸令忠張易之上

六龍驤首曉駸駸七堊陪軒集穎陰千丈松蘿

交翠幕一邱山水當鳴琴青鳥白雲王母使垂

藤斷葛野在心中乙暮幽巖下冷然香吹落

花深

七言侍遊應制麟臺監中山縣開國男忠張昌宗上

雲車遙

闕一

三珠樹帳殿交陰八桂藂礪嶮泉

聲疑度雨川平橋勢若晴虹叔夜彈琴歌白雪

孫登長嘯韻清風即此陪歡遊閬苑無勞辛苦

向崆峒

七言侍遊應制

鸞臺侍郎惠李嶠上

羽蓋龍旗下絕冥蘭除薜幄坐雲扃鳥和百籟

疑調管花發千巖似畫屏金竈浮烟朝漠漠石

床寒水夜泠泠自然碧洞窺仙境何必丹邱是

福庭

七言侍遊應制

鳳閣侍郎惠蘇味道上

瑤輿藻衛擁千官仙洞靈溪訪九丹隱暖源花

迷近路叅差嶺竹掃危壇重崖對聳霞文駁曝

水交飛雨氣寒^①落宸襟有餘興併個周驪駐

歸鑾

七言侍遊應制

夏官侍郎惠姚元崇上

二室三塗光坐險均霜揆日處而中石泉石鏡

恒留月山鳥山花競逐風周王久謝瑤池賞漢

主懸慙玉樹宮

闕一

有祥烟伴佳氣能隨輕輦

金石錄
卷四
并序四
共惹闕一字

七言侍遊應制 給事中 忠閻朝隱上

金臺隱隱凌黃道玉輦亭亭下絳霧千種崗巒
千種樹一重巖壑一重雲花落風吹紅的歷藤
垂乙晃綠葢蓋五百里內賢庄聚願陪閻闔侍
而文

七言侍遊應制 鳳閣舍 庄 忠 崔融上

洞口仙巖頽削成泉香石冷晝含清龍旗畫
中而下鳳管披雲此壘迎樹作帷屏陽景翳芝

如宮闕夏涼生今朝出豫臨元圃明乙陪遊向
赤城

七言侍遊應制 奉宸大夫 汾陰縣開國男 忠 薛曜上

玉洞幽尋更是而朱霞綠景鎮韶平飛花藉藉
迷行路轉鳥遙遙作管絃霧闕一字千林成翠帷
風吹細雨即虹泉山中碧酒恒忝壘浪道岷山
別有仙

七言侍遊應制 守給事中 忠 徐彥伯上

碧泛紅洿崑嶂間淙嵌洑岨游存彎琪樹璇栢

花未落銀芝窰宅露團還關二行殿開僊勝七
景飛輿下石關張鳥席雲平圃讌焜煌關一記

蘊名山

七言侍遊應制

右玉鈐衛郎將左奉宸內供奉忠楊敬述上

山中別有神仙壑屈曲幽深碧澗垂巖前蹙駐
黃金輦席上還飛白玉卮遠近風泉俱合雜高
伍雲石共叅差林壑偏能留睿賞長而莫遽下
丹曦

七言侍遊應制

司封員外忠于季子上

九旗雲布臨高室萬騎㊀陳聚穎川瑞液含滋
登禹膳飛流薦響入虞絃山扉野徑朝花積帷
殿帷宮夏菜連微忠獻壽迎千壽願奉堯率億
萬率


七言侍遊應制


通事舍生忠沈佺期上

金輿旦下綠雲衢綵殿晴臨碧澗隅谿水泠泠
雜行漏巖烟片片遠香鑪仙人關一膳調神鼎
玉女三漿捧帝壺自關一汾陽迂道駕何如太
室覽真圖

大周久視元年歲次庚子律中蕤賓十九①丁卯左奉宸大夫汾陰縣開國男忠薛曜奉勅書顧亭林曰碑凡大周奉者天作而地作堊人作②聖作壘臣作忠奉作率月作③亦作④日作⑤星作⑥正作⑦授作⑧楸亦作⑨初作⑩唯屐字無可考疑是應字朱竹垞亦云屐蓋金輪十三字之一顧炎武吳任臣均疑為應字想當然矣今按此碑羣臣和者詩凡十六其題竝曰侍遊應制則

屐非應字明矣此碑金石文字記曝書亭集皆著於錄何其不詳考也丙午六月趙紹祖識





篆書... 刻非熟字即突批... 篆書... 刻非熟字即突批... 篆書... 刻非熟字即突批...

唐立紀信碑

有漢忠烈姓紀名信官族世載史失其書昔秦
 始皇乘六代之業窮天下之力以從其心阨及
 二世荐作昏德人怨神怒百姓與能此皇天所
 以興漢祖也夫龍躍虎變不有非常之災則不
 能蔚其文而神其行故英雄豪傑雷動電擊並
 起而亡秦當是時棄水飛而無紀皇綱積而不
 紐强者制命弱國連衡項籍提八千之兵鼓行
 而稱伯隳名城阨勁卒弑義帝屠咸陽七十餘

戰而天下大定矣於是背關懷楚專制主約雖負河山籍舊業南面而稱孤者猶滕行請命舉國受署莫敢枝梧焉而高祖奮于漢中定三秦之地扶義杖信東向而爭天下天下之命懸於二碁山東紛紛螽合蛾聚未有所係籍嘗以百萬之衆困高祖於滎陽紀公推天歷之在劉顧臣節以自憤躬載黃屋出東門而訛之沮百萬之氣頓強楚之威奪諸侯之魄迴霸王之機身焚孤城之下功濟廟堂之上高祖因之以成帝

業雖宏演納肝而無悔干孼

闕一字

手而不疑公

孫抱子而爲詐孟陽寢牀以自欺其忠則然於

大業不可以希也先軫免胄以立誠鋤麇觸槐

以取喪

闕一字

辰懟諫而赴翟仲由結纓而爲壯

其節則全於大機則無以尚也苟息守言而死

事豫讓感遇以自殘石乞就亨以徇白漸離瞿

目以報丹其義立矣於大濟則闕焉故功貴成

業貴廣苟有大賴則輕太山於鴻毛壯哉紀公

誠得其死矣夫城郢而增君名寢齋以祈於死

其於忠也不亦泰如於戲仲尼所謂殺身成仁
臨難無苟免者則紀公其人也而歷載數百莫
能表之縣令會稽孔君名祖舜字奉先贊大聖
之緒秉忠孝之規清身以激俗矯闕以從政到
官視事三載有成於是鄉之碩老攝齋而請曰
府君以盛德茂才宏宣大化旌孝尚節敦學務
農人無懸耜野無冥草可謂政之美者也而紀
公之墓蕪而不顯豈所以鼓舞前志發揮臣子
之道哉府君乃咨謨察吏稽古訓典以爲忘生


從道者仁也沉斷因分者義也威儀不忒者禮
也好謀而成者智也有死無二者信也決機興
運者明也大節不撓者勇也夫藏一行於人則
銘之金鼎輝鑠風雅況紀公兼而有焉斯實忠
臣義士之殊尤而文獻之所先也故表商容式
干木君子躡之乃仰惟春秋旌善之義庶幾爲
臣之節奮于百世之上凜然可以比肩斯人俾
能揚耿光厚忠義崇尚教化以昭烈我明天子
之風豈不褒德而顯功哉遂作頌曰

雄雉紀公自天作忠膺皇祖兮卓犖磊朗瑰侔
倜儻奮威武兮虎鬪龍戰扶危制變挫強闕一
兮定霸興王身焚業昌得其所兮雲雷經綸乃
聖乃神萬物覩兮千載一振闡幽作訓爲世矩
兮三五已矣愚聖同死可無足而稱焉吾何以
貴夫古兮

大周長安二年歲在攝提七月立 范陽盧藏
用篆文并書

舊唐書高宗本紀麟德二年十一月丙子

次於原武以少牢祭漢將紀信墓贈騾騎
大將軍而此文乃云載歷數百莫能表之
可謂不善於頌揚君父失作文之體矣碑
爲盧藏用篆文并八分書字尚完好而乏
古意疑爲後人之所翻刻且碑立於長安
二年乃不用武氏所製一字何耶丁未九
月琴士趙紹祖識於玉露禪舍



唐比丘尼法琬碑

大唐

闕二

寺故比丘尼法琬法師碑文

靈安

寺沙門承遠撰

若夫瑤水之濱歌白雲而長往玉臺之上乘綵

霞而不還敬姜布闔門之規斑姬光中禁之

闕五

字 叅差異轍猶且播芳徽於

闕四

實於紫書豈

如開八正門去塵離俗入三乘藏鈞深致遠喻

棧於愛河之水傳燈於昏衢之地見之於法師

矣法師諱法琬俗姓李

下闕

道人也應天神龍

皇帝之三從姑焉原夫馬喙高業彰白雲之茂
祉龍光函谷表紫氣之仙望清風映乎中古大

命集乎闕二高祖景皇帝道出鱗皇功高羽帝

牢籠天地運日月而揆陰陽彈壓山川馳黎毗

而濟仁壽曾祖故鄭王亮謚曰孝成池別派闕三

字枝乾垂帝子之星坤列天孫之嶽刻舟標智

岐嶷已稱毀宰擅奇仁心早茂由是榮開朱邳

寵盛綠車豐冠蓋之遊列山河之郡祖神闕三

空荆楊并三州大都督上柱國襄邑王謚曰恭

漢漢天人紫微帝系大禹以能平水土式叶帝

俞茂先以該博知名允諧時望惟楊奧壤闕二

雄藩地枕荆門郊通汝漢張皂蓋而按舉褰彤

襜而督察去思來晚德化長流五柞兩岐毗謠

式著九江士女既聞酌闕一之詠三晉人吏還

歌戢兵之曲父德懋故金紫光祿大夫少府監

宗正卿兵部尚書上柱國臨川公謚曰孝爵列

公侯地隆勲戚天分升極闕二喉舌之榮地括

河海仍受股肱之寄法師生積善之門誕為賢

之室風神外朗慧敏內融幼懷削髮之固固拒
 結禩之義臨川公寢苦在疾風樹銜哀莫申网
 極之心徒結充窮之痛去永徽六年襄邑王薨
 其年奉為亡父捨所愛之女請度出家皇上以
 孝道所擗諒資於冥福誠心克著闕一展於香
 緣奉勅出家時年十有三也并度家人三七並
 以充師弟子法師即隨吳國公尉綱之外孫其
 寺吳公之本置也闕二黃金布地尚疑須達之
 園白鶴成林即是菩提之樹日宮月殿無晦無

明蓮座花臺長春長夏法師別置一院以脩道
 焉苦行精心與冰霜而殄勵戒範禪結將竹栢
 而逾貞地迺護珠人惟杖錫故得禪枝日茂覺
 藥年芳忍鎧橫霜銛鋒穎而無極戒珠含月射
 光芒而自遠至若貫花散花之典滿偈半偈之
 經莫不吞若曾臆如指諸掌至迺論堂霞闢曳
 袂成陰法座雲懸飛錫連影人同竹葦衆若稻
 麻法師明鏡何鑒洪鐘佇扣流言泉於玉吻驚
 思風於牙扇剖疑析滯虛往實歸固以聲華錄

腹德高巢頽檀林擢秀鹿苑騰芳蓋元門之棟
梁緇徒之領袖矣方興濡足授手長宏六度之
津覃思研精永啓四禪之鍵豈謂隙駒易往藤
鼠難留若東魯之山頽類西州之石折教在運
往感息化窮智炬由是淪輝堅林以之變色以
垂拱四年歲次戊子九月己酉朔日遷神于闕
字春秋卅有九惟法師襟神雅正操闕一堅明
道在則尊德高爲貴法堂宴坐心可降魔梵宇
經行影能馴鶴高行鄰於初地雅譽重於殫天

誠惟周採志尚高蹈至於六時清梵想魚嶺而
騰音五夜馴行候鯨鐘而肅慮楷模梵衆雪凜
冰清導揚龔俗雲歸海赴清徒仰教未極元風
迅景不留奄隨泡露尼仙悟迦毗即法師之姪
女也義均猶子思承上足貞心雪皎慧性霜凝
陶善誘而日深沐慈風而歲遠悲法眼之淪照
痛禪宇之摧梁粵以景龍三年歲次己酉正月
己未朔十五日癸酉奉勅起塔于雍州長安縣
之神禾原禮也崇構峩前臨黃嶠之曲層基

金石文錄 卷四
固護却枕青城之隅草凌晨而薤露晞樹肅夜
而松風起以爲天長地久日月所以循環露往
霜來陵谷以之遷貿昔武成之室勒徽範於貞
碑密陵之妃昭媛德於豐琰矧夫道高龍馬德
隆鵠鷺契無三之妙軫入不二之元樞豈可相
質無聞受辛莫紀敢勒清風之頌庶流終古之
德其銘曰

鶴林西變偶教東延邈矣年祀英靈罕傳挺生
明慧惟我師焉白雲凝社紫氣浮天皇宗赫奕

帝緒蟬聯誕乎令胤克嗣先賢聚沙之日救蟻
之年仁心夙表慧性俄堅方釋塵累遂託良緣
心清鏡澈戒潔珠圓精誠苦行雪凜冰鮮三乘
洞啓九部咸甄時臨講肆亟陟香筵鵠鷺雜選
龍馬駢闐一揚辯囿幾沐言泉法門棟宇覺海
舟舩四馳詎息二鼠俄遷輔仁莫驗覺善徒然
式建高塔爰臨古阡南瞻豹獻北瞰龍川桑榆
落日松價生烟山風四起隴月孤懸一銘芬烈

三變桑田

左衛翊壹府翊衛彭城劉欽旦書 景龍三年

歲次已酉五月十日比业尼仙晤迦毗等建

右比邱尼法琬碑沙門承遠撰劉欽旦正

書法琬曾祖鄭王亮景皇帝之子高祖子

元懿亦封鄭王故以大小鄭王房別之此

所謂大鄭王也祖襄邑王神苻神通之弟

唐書有傳父懋德初封郡王貞觀初以封

德彛之言例降爵為臨川郡公宗室世系


表稱其官為刑部尚書傳云少府監碑云


少府監宗正卿兵部尚書是史略也碑稱

永徽六年襄邑王薨奉為亡父捨所愛之

女請度出家孝慈兩失懋德之謂矣丁未

正月趙紹祖識





唐蕭思亮墓誌

唐故朝議郎行雍州長安縣丞上柱國蕭府君

墓誌銘

并序

中大夫行薛王友顏惟貞撰

君諱思亮字孔明蘭陵人也公侯慶緒鍾鼎華

宗遠則文終翼漢

闕字

侔於二八近則武皇祚

梁業光乎三五英賢繼踵簪紱駢輝詳乎史諫

可畧言矣曾祖翹梁貞毅將軍郢州刺史新興

侯祖季符皇朝尚食奉御員外散騎常侍贈光

祿卿洪鄂守八州諸軍事洪州刺史武昌縣開

國公竝才兼文武秩榮中外郢中歌雪畫隼翻
旗騎省連雲豐貂曜冕闕一河字嶽禮脩於
飾終列爵疏封寵隆於利建父温恭修文館學
生渝州司功叅軍事譽光鬢序位屈巴賓未騁
高衢先摧逸足君資靈上善稟粹中和言爲士
則行成物範張華雅思揆竒藻於鷓鴣終軍洽
聞擿敏識於鼯鼠好學不倦綜涉羣言手自繕
寫盈於簡素解褐補益州金堂縣尉歷雍州同
官縣尉武功主簿乾封縣尉長安主簿歲滿爲

丞再歷畿甸三遷京邑職事填委剖之如決流
爭訟紛拏鑿之若懸鏡嗟乎道長運促時亨命
屯未施構厦之材俄軫奠楹之夢以景雲二年
歲次丁亥正月廿日終於京崇化里第春秋六
十有七嗚呼哀哉即以其年二月景子朔十五
日庚寅遷窆於神和原禮也夫人譙郡熊氏故
左金吾將軍元逸之女柔婉成性言容具美以
景龍二年九月十三日寢疾而終嗚呼哀哉龍
門之桐始半生而半死襄城之劍竟先沉而後

沉同穴有歸雙魂是耐嗣子逃孔門之鯉勿即
聞詩揚氏之烏童而擬易未極庭闈之養遽纏
吧岵之悲擗厚地而崩心訴高穹而泣血期我
以先執託我以斯文僕也不才義深寮舊追感
平昔承瞻無從敬述芳猷誌于幽隧銘曰
元鳥降祥克生于商枝分棊散源濬流長載誕
明哲如珪如璋夷險共貌寵辱齊忘文含綺績
學富縑緗揭來闕一位其道彌光孰云與善奄
歎殲良馬鬣開隧龜謀允臧松門蒿里兮歛雙

魂於此地春蘭秋菊兮歷萬

闕一

而逾芳

右蕭思亮墓誌顏惟貞撰其文叙其先冑

有曰遠則文終翼漢

闕

侔乎二八近則武

皇祚梁業光乎三五王仲寶褚彥回碑宏

二八之高模注以為八元八愷文蓋用此


至業光乎三五倣班固事勤乎三五句也

秦漢以降世風不古人臣之頌其君者動

曰上咸五下登三雖時事之不容不爾而

論者尚咎其身多媚骨矣今以唐人而追

言梁武乃亦作此等語真是隨手牽扯用
慣不覺也梁武有知應愧謝吾子之過譽
矣丙午夏月琴士識



唐景龍觀鐘銘


原夫一氣凝真含紫虛而構極三清韞秘控碧
落而崇因雖大道無爲濟物歸於善貸而妙門
有教滅咎在於希聲景龍觀者中宗孝和皇帝
之所造也曾城寫質閭苑圖形但名在騫林而
韻停鐘簏朕翹情八素締想九元命彼鼓延鑄
斯無射考虞任之懿法得晉曠之宏規廣名鯨
工遠徵鳧匠邪溪集寶麗壑收珍警風雨之辰
節昏明之候飛廉扇炭屏翳營鑪翥鶴呈姿蹲

熊發狀角而不震侈而克揚庶其曉散靈音鎮
入鵝鸞之殿夕騰仙韻恒流鳩鵲之闈聾俗聽
而咸痊迷方聞而永悟洪鈞式啓寶字攸鑄其
銘曰
紫宸御歷青元樹回傾巖集寶竭府收珍杜夔
律應張永規陳形包九乳儀超萬鈞上資七廟
傍延兆人風嚴韻急霜重音新自茲千歲從今
億春懸玉京而薦福侶銅史而司辰

景雲二年太歲辛亥金九月癸酉金朔一十五

日丁亥土鑄成

睿宗書之可見者順陵碑僅存數段而此
銘幸全觀其體兼篆隸方整之中時露古
意可愛也竇泉述書賦云睿宗垂文規模
尚古飛五雲而在天運三光以窺戶其言
非虛譽矣景龍觀見方技葉法善傳壬子
九月琴士識



唐周公祠碑

周公祠碑 并序

朝議郎行偃師縣尉賈正義

撰

原夫陰陽不測之謂神變化無窮之謂聖聖也

者範圍天地脩萬物而不有其功神也者探賔

窈冥降百祥而不矜其德 闕二 元之幹運日月

齊明振中古之暮猷乾坤合度盛業冠於三代

美化流於四國其生也藉我為光輔其逝也薦

我為明靈所謂有始有終可久可大者也公字

朝明文王之子武王之弟成王之叔父也昔堯
臣以披闕一踐祚初開相地之宜殷伯以積德

累仁終剪格天之業歷太極而承元吉資中和
而誕賢聖知微表於幼顏繼體分於正氣兵戈

已偃西周之歷數攸歸宅土闕一封東魯之衣

冠允集故能勤勞家國翊亮台衡植珪璧而拜

三壇御冕旒而朝萬寓鳴鴉救其哀亂狼跋明

其終始尊嚴其父孝理也炯誠其子闕一牧也

十月艱難陳業也三年征伐叙功也復子寶位

不虧忠敬之誠開我金縢迺得風雷之意於是

測四方以定都邑分六職以明典刑制大禮以

安上理人則俎豆之法行揖讓之儀備制大樂

以移風易俗則和感之音暢舞詠之情宣詳八

卦而究精蘊演六爻而告疑滯所謂極深研精

立功成器以爲天下利者也敢問先王之德何

以加於斯乎若迺示諸仁藏諸用道藝可以激

揚今古軌摸可以粉澤人倫懸寓煥然不假一

二談之嗟乎天道有盈虛人事有存沒欲使百

年黎庶讐闕二之威靈四序蒸嘗用君王之典

則非天下之至聖孰能與於此哉偃師縣祠堂

者按圖經云後人懷聖恩所置也負陽岑之巖

險面闕一谷之縈紆四水以為歸二室以為鎮

重檐累栱登玉戶而三階洞室迴廊列金楹而

四合壽官肅肅備物嚴嚴宛若居攝之仁明穆

如行化之易簡孝若之徘徊庭廡未足贊其精

微靈均之倦虬階除不能訶其怪異易稱王假

所以致孝享詩稱天作所以祀王公崇敬則遐

邇同臻嘉祥則賢愚共被若迺日之吉辰之良

銀鞦繡軸溢通莊會舞安歌紛滿堂樽酌奠兮

椒桂瓊鏘鳴兮琳琅下禱戴兮介福上歆馨兮

樂康雖盛凝之持戒練心傾惟不怠劉長之去

邪歸道拜謁逾勤正直聰明於是乎在粵以癸

丑秋末迄于甲寅夏首西郊不雨南畝亢陽八

溪以睚渚濱河罕植青草九重以握珪沉璧屢

命皇華闕闕一無鶴立之徵田夫有狼顧之懼

尹上柱國武威縣開國子隴西李傑山河間氣

金石錄 卷四 五周公祠碑

廊廟宏材允四海之具瞻裁山川之景化西京
 佇潤稍字關一分陝之郊東都思理再臨惟洛之
 邑奸豪懲而疑滯剖鰥寡悅而禮義行德澤布
 濩頌聲洋溢正議大夫行少尹護軍彭城劉楨
 正議大夫行少尹上柱國博陵縣開國男崔元
 字關一並星象之奇衣冠之秀器惟經國文藝襲
 於班楊道以匡時令望昇於臺閣佐官司錄柳
 齊物等並陟遐自邇始當州府之勞擇士用才
 終踐公侯之望朝請大夫行令博陽縣開國男

彭城劉體微金枝玉葉之門上善通賢之量歷

霜臺之鯁直闡雷邑之風字關二義字關一欺兼并

自息通直郎行丞王銑朝議郎行主簿李循台

承議郎行尉崔延祚莫不珪璋比德麟鳳成文

歲用於東畿安卑於西亳咸以分官濟俗共理

經邦欽若皇情特憐黔首吁嗟廟宇申至理之

馨香拜起靈壇奠明祈之蘋字關一誠敬如在神

聽無違言未畢而布油雲禮未終而澍甘液三

農有慶八政字關一而家邦可制非聖人之利物

豈能與於此者是有黃髮兒齒之徒相與而稱
曰昔文翁以化漸蜀川猶存古廟子產以政行
鄭國尚列遺祠况公道德均兩儀神靈庇萬代
而頌章斯缺盛事莫傳蒙少忝青襟晚紆黃綬
勤誠不夢豈吾道之將衰遊踐難言與斯文之
未喪頌曰

伊太初兮惟混惟茫暨中古兮無制無防太忠
勤國兮輔我君王至道被物兮明闕一典章乾
坤可測兮陰陽會合威儀不差兮禮樂鏗鏘上

德既喪兮先靈如在下人蒙庇兮遺惠不忘春
夏炎赫兮銷流金石官寮祈請兮拜伏壇場神
聽之兮密雲已灑人賴之兮零雨其滂喜大田
之多稼望高廩之盈倉羞蘋蘩於祭禮建碑頌
於祠堂松柏森沉兮歲久煙霞闕二兮山荒謁
明神於此地降福祚之穰穰

大唐開元二年歲次甲寅十二月甲寅朔五日


戊午建一二上柱國子闕四仙鑄勒


右周公祠碑河南尹李傑等因開元二年

之旱禱於公廟既雨而爲此頌也碑賈正
義撰而無書者姓名然正書遒健有力實
唐碑中之至佳者碑云公字朝明余未之
前聞此疑好奇者之過也李傑本名務光
以護橋陵功封武威縣子新舊書皆有傳
又舊唐書劉晏傳載晏遺元載書云到河
陰鞏洛見宇文愷置梁公堰分黃河水入
通濟渠大夫李傑新堤故事飾像河廟儼
然如生是傑誠能留心於民事者族兄穎

存好古博覽家歲此碑較余所得本爲勝
因借按而錄之嘉慶二年三月紹祖識

名友廣
邑諸生





唐濃藏禪師塔銘

大唐淨域寺故大德濃藏禪師塔銘 并序 京

兆府前鄉貢進士田休光撰

世之業生滅若輪環者則雖塵沙作數草木為

壽了無遺纖哉吁不可知者其惟流浪乎夫木

柱生火水中有月以凡筌聖從道場而至道場

闕一因及果非前際而於後際行之於彼得之

於此禪師諱法藏緣氏諸葛蘇州吳縣人昔羣

雄角力三方鼎峙蜀光有龍吳恃其虎瑾之後

裕蟬聯姑蘇曾祖訾吳郡太守蘇州刺史秘書
監銀青光祿大夫上柱國開國男大父闕一隨

閩州刺史銀青光祿大夫父禮皇唐少府監丞
吳會旗裳東南旖旎洗墨而清夷落衣錦而燭

江鄉山海禁錢蓬萊秘府屢遊清貫歷拜寵章
禪師即蘇州使君之曾孫少府監丞之第二子

也年甫二六闕一殆庶幾知微知章克岐克凝

此寺大德欽禪師廣世界津航人非鑽仰禪師
伏膺寂行禮脩師資日誦經至永徽中頗以妙

年經業優長奉勅為濮王度所謂天孫利益禪

門得人禪師自少出家即與衆生作大善知識

道行第一人天殊勝開普門之幽鑰酌慈源之

蜜波由恐日月居諸天地消息每對闕一龍八

部晝夜六時如救頭然曾未暫捨非乞之食不

以食以至於頭陁非掃之衣不以衣得之於蘭

若禪師自少于老駝騾象馬莫之聞乘也以爲

鎔金爲象非本也裂素抄經是末也欲使賤末

貴本肯偽歸真求諸如來取諸佛性世二相八

法藏禪師

十種好衆生對面而不識奈何修假以望真且夫萬行之宗衆相之本生善之地修善之境禪師了了見之矣夫鍾鼓在庭聲出于外如意元年大聖天后聞禪師解行精叡奉制請於東都大福先寺檢校無盡藏長安年又奉制請檢校化度寺無盡藏其年又奉制請爲薦福寺大德非禪師或固居龍象之首清淨開人倫之目不然而焉使天文屢降和衆相推揚覺路之威儀搃禪庭之準的護珠圓朗智刃雄鳴伏違順之鬼

魔碎身心之株杌廢情屬境卑以自居如谷王之流謙百川委輸若周公之吐哺天下歸心菩薩下人名在衆生之上悲哉三界即火宅之所四大將歲時之速既從道來亦從道去遂拂衣掩室脫烏繩牀惟惚惟闕一字不驚不怖粵以開

元二年十二月十九日捨生于寺報齡七十有

八門人若喪考妣乃相謂曰和上云亡吾徒安

放乃拔面相視仰天椎心即以其年十二月廿

闕一字一日施身於終南山榿梓谷屍隨林由是積

以香薪然諸花疊收其舍利建塔睹波于禪師
 塔右自佛般八沮槃于今千五百年矣聖人不
 見正法陵夷即有善華月法師樂見離車菩薩
 愍茲絕紐並演三階其教未行咸遭弑戮有隨
 信行禪師與在世造舟為梁大開普敬認惡之
 宗將藥破病之說撰成數十餘卷名曰三階集
 錄禪師靡不探頤索隱鈎深致遠守而勿失作
 禮奉行是故弟子將恐頽其風聲乃掇諸景行
 記之于石銘曰

有若禪人凝稜心不易兮身世傾洞探討真願

兮寂行沖融渙其冰釋兮軒裳蟬聯清暉相射

兮奕關不染乾乾衣錫兮蕭灑誼譁地自虛

僻兮元關洞開亡珠可索兮吾將斯人免夫過

隙兮魂兮何知聲流道格若使天地長久而可

知即相與撫實關一之于石兮

開元四年歲次景辰五月景子朔廿七日壬寅

建

右灑藏禪師塔銘言禪師於永徽中勅為

濮王度所謂天孫利益禪門得人按史魏
 王泰以傾太子承乾事降王東萊尋改王
 順陽貞觀廿一年進王濮高宗即位詔泰
 開府置僚屬車服膳羞異等薨年三十五
 子欣嗣王此言爲濮王度而云天孫利益
 當是爲嗣王欣度也碑田休光撰不載書
 者姓名而正書特雅借但小弱耳丙午十
 一月琴士識

唐宗聖觀主尹文操碑

大唐故宗聖觀主銀青光祿大夫天水尹尊師
 碑并序 銀青光祿大夫行太子右諭德兼崇

文館學士上柱國平涼縣開國公員半千撰

聞夫真人者出巨叢塵倚杵騎蜚廉從敦圉闕二

字公妾密妃朝濯髮於湯泉夕晞首於暘谷仍

丹邱以長嘯戴翠華以高遊自非植因曠劫肅

恭大浩從事於金房之前鏤心於玉晨之上携

青童而應黃錄者奚以成後來之妙相乎闕二

景而循希聲則尊師其人矣尊師諱文操字景先隴西天水人也後秦尚書僕射緯之後緯仕長安故爲屈人焉若迺鬱爲帝師降迹於唐勛之代光乎王佐應命於周武之朝家籍闕二可略言矣曾祖洪宇文朝商州長史大父舒隋文州別駕昭考珍皇朝散大夫尊師特稟異氣垂實冥華始降迹也其母袁氏夜夢元妙玉女授以九老丈人之符數月而聞腹中誦闕一聲且時時有異光繞身矣及載弄之始目光炯然眸

子轉盼若有所見及勝衣之日自識文字唯誦老子及孝經迺曰此兩經者天地之心也此後見好殺之字若蹈水火視無禮之文闕二泉谷稍長聞有尹真福庭迺精心事之不近俗事曰讀西昇靈寶等經漸達真教既得元味便契黃中間師者傳道之父母行道之神明無數劫來妙經是出不回師學謂之長昏遂闕二無已求師不暇時有周灋師者內音之先鳴上皇之高足迺願叅軒効駕陪景嘯空奔走禮謁以申宿

志灑師見之迺謂尊師曰汝於劫會之中已受
龜山之錄也便訓以紫雲之闕二授以青羽之

隱灑壺入其心謂赤松王子喬可與撫煙月矣

年十五道行已周有名於遠近矣屬文德皇后

遵上景而委中宮于時按訪道林博採真迹尊

師即應元景行預緣闕一勅出家配任宗聖觀

雖剪芝瓊園採琳元隴意每遠出未近謝也將

欲沐浴東井棲遲南昌保護崑崙窺窬混沌矣

故屬想丹煙遊心紫度遍尋五岳備涉九元尋

三君之祖氣闕三之慧眼旋謁灑師使屈終南

寂慮於溫泉冥精於寒谷有年日矣既通八景

又達九天知來藏往多所曉悟若有神曰灑師

上遷及省所屈已去順也貞觀末年行喪既畢

永徽三闕二遊太白入重元也見所未見聞所

未聞此後丹字紫書三五順行之灑扶晨接晝

九六逆取之方成得其要尊師所有遊山異迹

祈醮靈應並有別錄此不載之至於顯慶以來

國家闕三入供奉功德諮量救代度人轉經行

道元壇黃屋帝座天言東都西京少陽太壹九
 城二華展敬推誠三十餘年以日繫月始終不
 絕有感必通凡是効驗君臣同悉勅書往闕四
 迴神道昭章歲時交積者不可具載並傳於帝
 屈一二要者略舉其目初尊師遊太白高頂雲
 霧四周聲振萬壑忽湧圓光去地千仞復有像
 充九色其高十仞欣然長往者闕三焉高宗之
 在九成宮有亭葺經天長數丈以問尊師尊師
 對曰此天誠子也子能敬父君能順天納諫微

賢斥邪遠佞罷役休征責躬勵行以奮天心當

不日而滅闕一上依而行之應時消矣是故高

宗以晉府舊宅為太宗造昊天觀以尊師為觀

主儀鳳四年上在東都先請尊師於老君廟修

功德及上親闕三咸從上及皇后諸王公主等

同見老君乘白馬左右神物闕一得名言騰空

而來降于壇所內外號叫舞躍再拜親承聖音

得非尊師之誠感也由是奉勅修元闕三聖紀

一部凡十卷摠百廿篇篇別有贊時半千為尊

師作也紀贊異秩繕寫進之高宗大悅終日觀
 省不離玉案迺授尊師銀青光祿大夫行太常
 少卿尊師固讓不得闕二官而受散職焉永淳
 二年天中有望告成有日萬乘雷動千騎風馳
 天子乘閣道而御帝車群官陪六儀而承七闕
 字將禮於天樞幸中岳也金繩未舉玉檢猶潛
 而六龍頊轡三闕二色聖體不安旋於皇極屬
 紫微虛位白雲上徙萬國號訴四方遏密太后
 諮訪尊師尊師曰真坊闕一境亦著代謝物有

榮悴氣有初終大道之常幸稟神器闕二宜存
 思諒闇極想欽明密理百神潛庇萬姓文操人
 間地上物裏天中所有靈明倍百祈請亦望二
 十四結火燒而憂盡七十二教水鍊而灑成皆
 見先徵以明後事迺著祛惑論四闕二魔論卅
 卷先師傳壹卷垂拱四年將賓玉帝也上足時
 道成闕一願奏章以延福蔭尊師止之曰有順
 宜遵不可犯禁言訖委化顏色如常粵以長壽
 四年四月十二日遷珉於終南文闕二弟子侯

少微等追思龍漢遠慕龜巖與德音與天地同
久神道共陰陽齊化昭庇騫林冥滋栢樹俾斯
貞石文若三光其詞曰

去矣大仙悠哉上元玉谷白芝之座金闕紫

闕二

字前既嘯景於瓊札固交歡於碧泉出三萬六

千之厚地入三萬六千之遠天咀九華之翠菊

坐五色之紅蓮常吟外景每握內篇春霞飛乎

絳雪秋風生乎紫煙徘徊高黃嶺顧步太

闕二字

三秦四塞帝王國京兆長安龍鳳川煌煌兮四

明路浩浩兮八景年今已向上襲前果何時來

下降宿緣當乘道之氣應傳道之味

此下殘闕不復能錄

開元五年闕一月二日弟子侯少微等建

尊師出世於唐之貞觀碑建於開元甲子十

周字畫昏蝕慮歲久益舛先

闕數字

重摹于石

呂壽其傳大德元年三月朔提點聶志真敬


識甲子十周開元至大德六百年也


右唐宗聖觀主尹文操碑員半千撰文八

分書而無書者姓名此碑序既牽強詞尤

俗鄙半千命名自謂應五百之期雖不知
量然文義亦當不至是竊疑爲道流之所
假託又篇中每有承接不明意義不串者
意碑當大德翻刻時已多殘闕或爲聶志
真所補綴而成之也按唐書方技傳文操
無名舊唐書高宗本紀上元三年四月戊
午幸九成宮秋七月彗起東井指北河漸
東北長三丈掃中台指文昌宮凡五十八
日方滅永淳二年復行封中岳禮上疾而

止篇中所述頗多誕妄而此二事却與史
合丁未九月趙紹祖識





合丁未六月飲露臨瀛

世歲中祀故殿多時矣而此三事特與東

唐華岳精享碑

華岳精享昭應之碑 宣義郎行華州華陰縣

主簿平陽咸廩撰

夫神其止也虛其行也直是以感生焉夫祀其

事也大其馨也德是以福生焉維嶽有高居允

曰華天作峻極厥仞五千降靈集祉密跡上國

故風雨時若必應休明玉帛之享亦豐其報致

天人之和者功莫大焉歲在皇帝以開元嗣極

今八載也文德被武功成垂拱而天下理續服

而庶邦正於戲聖之配天不逆災祥之數而務
修其德天之降福或彰譴告之符而終與其善
是以成湯興而炎暎邁周宣懼而頌聲作闡自
日在奎雷始電迨乎畢春氣達萌芽山川如焚
密雲不雨千耦適野胥病於失時百室崇墉將
空於成歲我皇畏昊天之神憫烝人之艱自郊
祖宮靡神不舉乃分命舊相尚書許國公蘇頲
以瑞祝之辭旅於西嶽將以蒙嘉氣獲豐年公
時膺保衡代修衮職克永先正對揚王休天子

以

闕一

難九人允歸同德公是用僉諧八座懋

廣疇咨有文章焉有禮樂焉既享冢位乃司宗
伯實佐和邦敬赫明祀爰屆爰處威儀孔將闕
是亭廟有來斯啟州命長史河東薛縉俾焉協
事於外宗人相禮展噐執書告備於內肅雍萃
止宵艾並作幣尊六號玉用兩圭焚燎舉而禮
容祇若昧爽交而神光有粲粵三月庚申陳薦
請也公已事復命式遄其歸時厥翌日旋於闕
下車麟麟而響止履鏘鏘而聲入則已滄周四

溟澍洽千里拜獻純嘏天臨在歡嘉公克誠神
用影響制書褒賅束帛有差既禱而祠古之義
也丘不與祭帝有愆焉乃申命祔宗寵終厥事
則有牲牲樂奏之備以昭配焉癸卯告賽如前
禮夫陰陽不測至妙也因變感情至教也六府
三事大功也四望六宗大禮也后王卿士如彼
歲月其道不易時惟康哉蘇公乃言曰惟我后
之德格于上下神哉其需今茲巨人可無述已
於是重費以謀始因物以書伐倬彼金石載刊

其陰俾夫後之敬事者知景福之有在其辭曰
於爍大華降福西峙惟王荒之配天有祀雲雨
成物馨香叶祉明明天子禱于愆陽肅肅蘇公
王命是將克誠攸享離畢其滂年之用康祀事
惟政非昵非假禮崇其敬祠而報焉以永終慶
惟靈感和幽贊而生有豐者石刊之則貞蘇公
作頌孔碩其聲

殿中侍御史彭城劉升書 銀青光祿大夫檢
校華州刺史上柱國李休光題額

銀青光祿大夫守兵部尚書博陵郡開國公崔
漢衡

蓮華巍嵬竹箭喧厖浩浩今古憧憧往來

興元元年十二月廿三日華陰縣令盧倣書

碑刊於後周華岳頌之陰卽文所謂倣彼
金石載刊其陰者也開元八年歲在庚申
以旱命舊相蘇頲禱於華岳既雨而祠以
報之故爲此碑按史八年三月免水旱州
逋負卽其事矣其稱舊相者頲以正月罷

也咸廩之文頗爲簡古劉升分書亦差有
漢意是唐碑中之最佳者後有一行題崔
漢衡官銜名姓末又有四言四句爲興元
元年盧倣書不知漢衡自題名而詩爲倣
所作與抑漢衡爲詩而倣書之也按漢衡
貞元三年以兵部尚書爲會盟副使平涼
劫盟見執吐蕃或興元元年已爲此官不
可知蓋上距開元八年六十五年矣壬子
八月琴士記

始成人預展心力出入局禁宿衛先朝武太后
 時選補右領軍衛長上考滿授坊州仁里府別
 將仍於定陵柙當畢授隴州大僕府果毅君職
 雖戎武而學重儒文清慎自出於本心廉讓寔
 由其天性書則尤工草隸算乃妙洞章程伯英
 慙其筆力宏羊服其心計藝術超邁聲華日聞
 屬開元祚興選舉尤慎特進王毛仲聞而重之
 召為監牧都使判官於是隴右巡檢類為稱職
 遷懷州吳澤府果毅考滿擢授京苑惣監雜掌

農衡考課闕二頻歷數職判官如故前後十餘

歲焉豈非碩人令德善始善終者也君幼而聰

敏內崇正覺行六波羅蜜遵不二法門性之自

然薰羶不咀於口天之所授經闕一克銘於心

爰在吏途雅操彌篤雖王事鞅掌劇務紛綸而

顛沛必依於仁造次不訾於義鳴虜行之難矣

斯人謂歟粵以開元十一年四月廿九日奉使

隴右道巡監牧六月二日還至京六日己亥邁

疾至八日辛丑卒于長安休祥里第享年三百

三甲子四旬有二日矣嗚呼降年不永穹蒼靡
 遺鳴玉未擊而自摧芳蘭不秋而先落君初邁
 疾之時乎集家人告闕一死日子女闕一泣小
 大咸驚君乃止之曰生者物之始死者物之終
 終始循環天之常道又何足悲也於是自為沐
 浴衣以新衣迺請諸名僧造廬念誦君端坐寢
 牀精爽不亂言語如故誠囑無遺果如其期不
 訾於驗辛丑夜刻至子奄然而逝趺坐不動左
 右無驚異哉乎所謂知命君子代之奇人河東

薛氏四德聯華九儀克著貞賢外播温孝內融
 和鳳雖則先飛神蛟終當重合即以其年八月
 有九日合葬于城南香積寺闕一原禮也嗚呼
 芻靈發引白馬悲而不前宅兆攸安青烏卜而
 云吉與龍山一變知令德之猶闕鼇棗三闕一
 振清徽而不可朽廼為銘曰


洪闕一大造厥初生民仕以行義義以贊神惟

德可據惟道是隣取則不遠在乎伊人伊人惟
 何生唐之城筮仕明時束髮從職温恭淑慎濟

濟翼翼孝乎其家忠乎其國馳思元冥樂道之
精匪由壯剋發自弱齡松筠勵節冰鏡彌清心
歸正覺口誦真經捧戒珠兮不失傳慧炬兮逾
明達人知命吏隱王庭有知於死無惋厥生猿
坐入定神遷不驚倬哉若人閱此哀榮丹旆翻
兮慘引白駒踟而悲鳴悠悠宵宵歸窆窆千秋
萬古閱松扃

右茹府君守福墓誌不載書撰人姓名而
正書勁健有渤海筆意茹君卒于開元六

月八日辛丑碑不書其春秋而曰享年三
百三甲子四旬有二日矣以歷推之茹君
當是庚申日生年五十有一據左傳絳縣
老人曰臣生之歲正月甲子朔蓋老人即
以是日生故曰四百有四十五甲子矣其
季於今三之一也今茹君以庚申日生而
曰三百三甲子用事已屬勉強而又曰四
旬有二日尤爲不韻也癸丑三月琴士識



金石文鈔卷四終

